

傷寒論直解卷六

錢塘張錫駒令韶註解

徐旭升上扶

王良能聖欽

叅訂

辨霍亂病脉證

問曰病有霍亂者何答曰嘔吐而利是名霍亂

夫傷寒之邪從表而入自有形層次第傷寒之外別有一種霍亂者不從表入不涉形層夫邪從口鼻而入直中於內爲病最急故卽列于傷寒之後也霍者忽也謂邪氣忽然而至防備不及正氣爲



傷寒論直解卷六

錢塘張錫駒令韶註解

徐旭升上扶

王良能聖欽

叅訂

辨霍亂病脉證

問曰病有霍亂者何答曰嘔吐而利是名霍亂

夫傷寒之邪從表而入自有形層次第傷寒之外別有一種霍亂者不從表入不涉形層夫邪從口鼻而入直中於內爲病最急故卽列于傷寒之後也霍者忽也謂邪氣忽然而至防備不及正氣爲



之倉忙錯亂也胃居中土爲萬物之所歸故必傷胃邪氣與水穀之氣交亂于中故上嘔吐而不利也吐利齊作正邪紛爭是名霍亂

問曰病發熱頭痛身疼惡寒吐利者此屬何病答曰此名霍亂霍亂自吐下又利止復更發熱也

上節論霍亂之邪在內此節論霍亂之邪復由內而外出也故外病發熱頭痛身疼惡寒而復內兼吐利者此名霍亂蓋霍亂因吐下而名也故曰霍亂自吐下也又利止者內邪解也復更發熱者復



從內而出於外也夫但曰利止而不曰吐止者省文也

傷寒其脉微瀯者本是霍亂今是傷寒却四五日至陰經上轉入陰必利本嘔下利者不可治也欲得大便而反失氣仍不利者此屬陽明也便必鞭十三日愈所以然者經盡故也

此明霍亂之邪直入于中先傷中胃若從內而外卽是傷寒內而益內轉入于陰卽爲不治之證蓋言傷寒其脉微瀯者本是霍亂吐利之後中氣已



虛故氣虛而微血虛而濇也上文云又利止復更發熱是先霍亂而後傷寒故曰本是霍亂今是傷寒却四日太陰五日少陰至陰經主氣之上或轉而入于二陰必復利何則本霍亂嘔吐下利之後而入于陰經是爲重虛故不可治也若欲似大便秘而反失氣仍不利者不入於陰而仍屬陽明也屬陽明則燥氣在上便秘十三日愈然所以愈者以十三日經盡不復再傳故也

下利後當便鞭鞭則能食者愈今反不能食到後經



中頗能食復過一經能食過之一日當愈不愈者不屬陽明也

此承上文利止而言也言霍亂利止之後復更發熱而爲傷寒當便鞭鞭則胃氣和能食者愈今反不和而不能食到後經中復值陽明主氣之期胃氣和故頗能食也卽復過一經三傳而至十三日亦能食也十三日復過一日至十四日又當陽明主氣之期陽明氣旺當愈而不愈者當於別經再求之不專屬於陽明也玩此節愈知傷寒當活潑



發看去不可膠柱而鼓瑟也

惡寒脉微而復利止亡血也四逆加人參湯主之

四逆湯加人參一兩服法依四逆湯

惡寒脉微者陽氣虛也陽虛故復利霍亂本先利

故曰復利也夫中焦取汁化而爲血下利則傷其

中焦之氣血之根源虧矣雖利止然血已亡也用

四逆湯以補陽氣加人參以滋中焦之汁

霍亂頭痛發熱身疼痛熱多欲飲水者五苓散主之  
寒多不用水者理中丸主之



理中丸方

人參

甘草

白朮

乾薑

各三兩

右四味搗篩爲末蜜和爲丸如雞子黃大以沸湯數合和一丸研碎溫服之曰三四服夜一服腹中未熱益至三四丸然不及湯湯法以四物依兩數切用水八升煮取三升去滓溫服一升日三服若臍上築者腎氣動也去朮加桂四兩吐多者去朮加生薑三兩下多者還用朮悸者加茯苓二兩渴欲得水者加朮足前成四兩半



腹中痛者加人參足前成四兩半。寒者加乾薑  
足前成四兩半。腹滿者去木加附子一枚服湯  
後如食頃飲熱粥一升許微自溫勿揭衣服  
此論霍亂內傷脾土故無論寒熱而皆以助脾爲  
主也霍亂者嘔吐而利也頭痛發熱身疼痛者內  
霍亂而外兼傷寒也得陽明之燥氣而熱多欲飲  
水者用五苓散助脾土以滋水津之四布不得燥  
氣而寒多不用水者用理中丸理中焦而溫補其  
虛寒丸不及湯者丸緩而湯速也

吐利止而身痛不休者當消息和解其外宜桂枝湯  
小和之

吐利止則內已解矣身痛不休則外之餘邪尚未  
盡也是當消息和解其外宜桂枝湯小和之本經  
凡曰小和微和者謂微邪而無庸大攻也

吐利汗出發熱惡寒四肢拘急手足厥冷者四逆湯  
主之

此言四逆湯能滋陰液也夫中焦之津液內灌漑  
於藏府外濡養于筋脉吐則津液亡於上矣利則



北京中医药大学图书馆版权所有

津液亡于下矣汗出則津液亡于外矣亡于外則表虛而發熱惡寒亡于上下則無以榮筋而四肢拘急無以順接而手足厥冷也宜四逆湯助陽氣以生陰液蓋無陽則陰無以生也

既吐且利小便復利而大汗出下利清穀內寒外熱脈微欲絕者四逆湯主之

此言四逆湯能助陽氣也既吐且利則陽氣亡于上下矣小便復利而大汗出則陽氣亡于表裏矣下利清穀裏寒甚也裏寒甚而格陽于外故內寒



而外熱也惟陰無陽而生陽不升故脉微欲絕也  
宜四逆湯以回陽氣

吐已下斷汗出而厥四肢拘急不解脉微欲絕者通  
脉四逆加猪膽汁湯主之

此合上兩節之症而言也上節以四逆湯滋陰液  
次節以四逆湯助陽氣此節氣血兩虛又宜通脉  
四逆加猪膽汁湯生氣而補血也吐已下斷者陰  
陽氣血俱虛水穀津液俱竭無有可吐而自已無  
有可下而自斷也故汗出而厥四肢拘急之亡陰



南京中醫藥大學圖書館版權所有

證與脉微欲絕之亡陽證仍然不解更宜通脉四

逆加猪膽人尿散下焦之生陽而助中焦之津液

吐利發汗脉平小煩者以新虛不勝穀氣故也

夫人以胃氣爲本經曰得穀者昌失穀者亡霍亂

吐利胃氣先傷尤當顧其胃氣故結此一條以終

霍亂之義吐利發汗者言病在內而先從外以解

之恐傷胃氣也脉平者外解而內亦和外內之相

通也小煩者食氣入胃濁氣歸心一時不能淫精

于脉也所以然者以食氣入胃五藏六府皆以受



北京中医药大学图书馆版权所有

氣吐利後藏府新虛不能勝受胃中之穀氣故小  
煩也穀氣足經脉充胃氣復煩自止矣今之治傷  
寒者畧與之食微覺不安遂禁其食不復再與以  
致絕穀氣而死者盍三復斯言乎○愚按霍亂一  
病夏秋之間最多是風寒暑濕之邪中人皆能病  
霍亂非止一寒邪也若吐利過甚損傷中焦之氣  
以致下焦生陽不升而手足厥冷脉微欲絕者無  
分寒暑皆宜四逆理中治之寒傷于陽卽爲陽證  
暑中于陰卽爲陰證是當以人身藏府之陰陽爲

陰陽而不當以天時之寒暑爲寒熱也邪盛而正實者當瀉其邪邪盛而正衰者宜扶其正正虛者邪易入藏入藏者死夫正虛之人救正尙且不暇而何暇攻邪哉況夏月之時陽氣浮于外陰氣伏于內復以涼風寒其形冷水寒其胃內外皆寒風暑之邪未有不乘虛入於陰經者所以夏月止有陰證而無傷寒今人患暑證死而手足指甲皆青者皆陰證也古人以大順散治暑良有以也若夫氣實之人偶中於邪而霍亂者邪去卽愈此藿香



正氣平胃散之所以作也至于裏虛霍亂非四逆  
理中不可治者能審其輕重而治之庶無失矣

### 辨陰陽易差後勞復病脉證

傷寒陰陽易之爲病其人身體重少氣少腹裏急或  
引陰中拘攣熱上衝胸頭重不欲舉眼中生花膝脛  
拘急者燒裊散主之

### 燒裊散方

右取婦人中裊近隱處翦燒灰以水和服方寸  
七日三服小便即利陰頭微腫則愈婦人病取



男子中裊燒服

此論傷寒餘熱未盡男女交媾毒從前陰而入傷  
奇經衝任督三脉而爲陰陽易之病也成氏云男  
子病新差未平復而婦人與之交得病名曰陽易  
婦人病新差未平復而男子與之交得病名曰陰  
易言男女互相換易而爲病也其形相交其氣相  
感形交則形傷而身體重氣感則氣傷而少氣也  
夫奇經衝任督三脉皆行小腹前陰之間衝脉起  
於氣街並少陰之經俠臍上行任脉起于中極之

